

Thebesius 14.61
DISPUTATIO MEDICA
INAUGURALIS
D'E

CIRCULO SANGUINIS
IN CORDE.

QUAM,

DEO FAVENTE

Ex Auctoritate Magnifici D. Rectoris,

D. FRANCISCI FABRICII,

S. S. THEOL. DOCT. ET IN ACAD. LUGD. BAT.

PROFESSORIS PUBLICI. UT ET ECCLESIAE

IBIDEM PASTORIS:

NEC NON

Amplissimi Senatus Academici Consensu,

& Nobilissimae Facultatis Medicæ Decreto,


PRO GRADU DOCTORATUS

Summisque in MEDICINA Honoribus, & Privilegiis, ritè,
ac legitimè consequendis,

Publico Examini submittit.

ADAM CHRISTIANUS THEBESIUS, Sil.

Ad diem 15. Maji, horâ locoque solitis.



LIBRARY OF
Washington, D.C.

LUGDUNI BATAVORUM.

Apud ABRAHAMUM ELZEVIER, Academiæ

Typographum. M DCC VIII.

Lezley
40



DISPUTATIO MEDICA
 INAUGURALIS
 DE
 CIRCULO SANGUINIS
 IN CORDE.
 PRO O E M I U M.



*U*n timeret in universa re Medica ævo recentiori patuerunt, quæ antiquis vel plane incognita, vel quasi per nebulam saltem perspecta erant: ita potissimum anatome & rationalis machinæ animalis consideratio sapientissimi Creatoris opus hodie multo clarius nobis ob oculos posuerunt. Neque quisquam

est, qui negare ausit, post Vesalii, Columbi, Fallopii, Spigelii, Riolani, Harvei, aliorumque tot insignium virorum indefessos labores multo penitus in abditam Dei fabricam introspicere licere. Tantum tamen abest, ut illi viri eruditi rem omnem cognoverint, ut indies potius plura eruantur: nec forsan per omne seculum novorum inventorum finis sit sperandus. Si quid autem est, quod, descriptis seorsim visceribus, sensoriis, musculis, nervis, glandulis, plurimisque corporis humani partibus, specialem operam exigit, systema vasorum sanguiferorum haud dubie erit, quod hactenus neque ullo peculiari libro expositum, neque satis cognitum nobis est. Id quod testantur ii, qui ultimis annis elapsis in hac illave parte curatius indagantes pulcherrimos naturæ mechanismos tum ex situ & structura arteriarum, tum absentia valvularum in ventis nobis exposuerunt. Quibus ut multo plura jungenda supersunt, ita huc quoque collineant pauca hæc quas conscripsi periodi, explicantes rivulum sanguinis ab oceano abeuntem & peractis in cordis substantia muniis redeuntem; circulum nempe sanguinis, qui in usus cordis proprios à natura adornatur. Erit forsan & hic aliquid novi expositum, quod tamen an à me ubique debite descriptum sit, judicent viri me peritiores, quorum judicia si benigna accepero, audentior fiam, & quæ addere his pagellis hac vice nolui, alias eorum examini exhibebo.

§. 1. **N**E igitur per ambages denum ad scopum perveniam, omnem cordis vasorumque universæ corporis machinæ ministrantium descriptionem prætermittam: illa tantum explicaturus, quæ proxime rubricæ conveniunt, circulumque sanguinis in corde, quatenus in usus proprios visceris hujus sit, exponam. Hunc in finem nimirum duæ plerumque arteriæ ex ipso aortæ exitu sub valvulis sigmoidæ cordi impertionitur, quæ in oppositum latus abeuntes, sibi statim unitæ circulum constituunt, & coronæ ad instar basin amplectuntur: emissisque deorsum, tanquam radiis, multis ramis variè sibi intextis & junctis spectaculo jucundo cor circumcingunt, ut ea propter cum venis sociis vasorum coronariorum obtinuerint nomen.

§. 2. Neque tamen semper duobus ab aorta exoriuntur osculis, sed rarius unum eoque majorem sub valvula emergere truncum observamus; qui in duos statim dispescitur ramos, hisque in opposito latere sibi obviam factis eodem modo circulus absolvitur. Quemadmodum & numerum binarium augeri atque aortam in distribuendis ramis luxuriari quidam viri seduli deprehenderunt. Ut proinde natura, ut alibi, sic & hic ludere aliquando videatur; neque formationis legi in omnibus tam severe adstricta esse velit, nisi peculiaris & magni usus mechanismus structuræ rationem eandem omnino exigat. Tum vero situm partium mutatum vix deprehendemus: qualis ille videtur esse exortus arteriarum sub valvularum sacciformium pellicula, ut expansis iis à sanguine in aortam impulsò contegantur oscula, claudanturque, qua de re infra mihi amplior erit sermo.

§. 3. Hoc vero arteriosum cordis systema, secundum majores minoresque ramos, tum exterius tum interius secundum fibrarum varios ductus decurrentes, millenis anastomosibus implicatur; & externam æque ac internam pulcherrime superficiem ipsasque columnas & tendines tenuissimis ac co-

piofis ramulis exornat. Tantum quoque abest, ut auriculæ nullos ab iis furculos accipiant, ut potius ad ipsas & aortæ tunicas copiosissimi ramuli disseminentur. Quod omne, cera, artificiosa manu, immissa eleganter nobis sistitur; & icone, quàm fieri potuit accurato primum exhibitum est à Cl. Ruyfch: in resp. ad Gaub. Epist. III.

§. 4. Atque ut arteriæ hæc prima soboles aortæ sunt, sic cum illius trunco, ex quo egressæ, eandem aliquando sortem senibus maxime funestam, ut ossæ reddantur, perpeti possunt. Ita Lipsiæ videre contigit ramos majores arteriarum in eorde humano per convexam superficiem ad cuspidem deeurrentes hic illic ex parte ossæos redditos & ex parte tantum membranaceos fuisse. Quæ quidem aliarum partium cordis & imprimis aortæ in os mutatio interdum quoque in homine observata est, sicut in cervorum & boum senum, aliorumque animalium cordibus sub aortæ radicem ossa fibris carneis tecta quotidie nobis obvia sunt. Conseripserunt hujusmodi observationes Willisus pharmac. ration. Sect. VI. c. 3. p. 264. Platerus de functionum læsionibus Cap. XII. Forestus l. XVII. observ. I. in Scholiis, ex Dodonæi relatione. Et rarissimi quid observat Reald. Columbus l. 15. de iis, quæ raro in Anatome contigerunt, ubi cordis ipsum septum cartilagineum factum fuisse refert.

§. 5. De Tunicis quaternis vasorum horum dicere parum attinet, utpote cum prorsus easdem cum reliquis obtineant, nempe exterius nervosam, cum vasculosam, musculosam porro & tandem membranaceam in interna superficie. Quarum media ex fibris carneis circularibus, sive, ut quidam volunt, spirali-bus, contexta omnes propagines conicas roborat, ut inde vis contrahendi & propellendi sanguinem ubique vigere possit. Compareret tamen in grandioribus truncis major, in remotioribus ramis minor fibrarum densitas & denique in ultimis propaginibus minima est: ubi dum vasa in rete & ramulos

mulos tam parvos, ut oculos nostros fugiant, dividuntur; venæ principium capiunt, quæ fibrarum tenuissimo strato indutæ à spatio angustiori ad amplius tendentes in eorum inversum replicantur.

§. 6. Ut itaque utrumque vasorum systema duos tubos conicos miris ambagibus intortos, & infinitis ramificationibus conicis divisos referre videatur, quorum alter arteriosus vertice suo multifido apices alterius venosi contingit, demissis simul multis propaginibus tum nutritioni partium dicatis, tum novum vasorum lymphaticorum ordinem constituentibus. Qua de re, cum in plurimis nostri corporis partibus eadem vasorum connexio obtineat, multi viri egregii amplius commentati sunt.

§. 7. Neque aliter ac arteriarum, venarum quoque coronarum se habet amplexus mutuus, elegans situs, atque decursus. Hæ enim arteriis sociæ & proxime ad earum latera flexuosis pariter viis omnem cordis contextum, potissimum vero, qua minores ramos, internam; & qua majores minoresque externam superficiem spectaculo eleganti percurrentes, eodem modo ut arteriæ, tantum non ubique mutuis anastomosibus sibi junguntur. At quemadmodum vasorum horum contactus & applicatio laterum venarum ad tunicas arteriarum haud dubie non nisi prudenti naturæ consilio contigit, ita forsitan arteriæ in diastole constitutæ pulsu suo venarum parietes comprimunt, earumque contractioni robur aliquale addunt & sanguinis per eas motum promoveant.

§. 8. Sed ut hæc vasorum conjugatio ubique in corpore animali obtinet, ita e contrario venæ hæc hoc singularis structuræ habere videntur, ut non nisi rami minores, in externos majores intrantes valvulis lunatis muniantur, scilicet ne sanguis præterlabens hujus ingressum impediat illumque retrogredi cogat. Etenim vero similis redditur hæc assertio, quod

quod neque flatui aut liquori neque ipsi ceræ immissæ ullus unquam obex ponitur, sed libere ut alias per conicos arteriarum ductus pertranseunt. Præsertim cum in aliis quoque visceribus quidam observasse voluerint, quod venæ tam pulcre ludentes & toties sibi junctæ ac in rete quasi abeuntes valvulis careant.

§. 9. At perducamus quoque venas has ad exitum: Corrivant nempe plurimæ in ramos majores circa superficiem cordis eleganter digestos, & simul cum aliis ex auriculis, & radicibus vasorum quatuor communium provenientius constituunt canalem circularem; qui perinde ac arteriosus, cordis basin amplectitur, & plurimum sanguinis in ostium cavæ & auriculam dextram deducit. Cujusequidem exitus sæpe unicum tantum orificium, haud raro tamen aliquot minorum venularum ostia proxime ad majus illud ab Anatomicis observata sunt, cui simile quid exhibet icon Low. Tr. de corde cap. 1. Quibus etiam addendus est hiatus in posticam auriculæ partem prægandis rami canalis venosi (aliquando peculiaris ejusdam venæ è corde emergentis) qui ut in corde humano, ita etiam in bubulo aliorumque animalium sæpissime conspiciendus est, cujus ostium in fig. 1: adjecta exhibetur sub lit. c.

§. 10. Præter hos autem Sanguinis venosi exitus multo plures, tum in auricula tum alibi in corde forte fortuna nobis occurrerunt. Cum enim in vena cava cordi imminente, & fibris carneis insigniter roborata foveolæ multæ appareant, quæ nil nisi oscula sunt venularum, tum à tunicis ipsius cavæ, tum aliunde advenientium & in amplissimum alveum hiantium; suspicio inde mihi nata est, an non forsitan multa hujusmodi foramina in cordis & auricularum adytis figura illis prius similia eadem munia sustinerent.

§. 11. Quare ut certus fierem; aquam siphone in venam coronariam leniter immisi; tum vero ventriculo dextro æque

ac sinistro aperto, vasisque discissis debite observatis, (nelli-
quor ab illis in sinus profiliens experimentum fallax redderet)
ex foveis quam plurimis aquam copiose prodire conspexi, va-
sis cæteroquin & reliquâ cordis substantiâ illæsis permanen-
tibus. Nondum tamen experimento hoc, eodem successu in
cujuscunque animalis corde sæpius repetito, ita fidere aude-
bam, ut nihil prorsus dubii superesset: suspicatus, venulas
per trajectionem aquæ, utcunque lenem & cautam, aliqua-
tenus tamen violentam, in iis locis posse rumpi; adeoque
exhibere phænomena, quæ maxime ambigua sint, nec un-
quam forsan in corpore vivo contingant. Hinc satius fore
dixi, ut, nulla liquoris transfusione prægressa, in corde inte-
gro in ipsa vasa cultro anatomico inquirerem. Hunc in
finem corda, ovinum bubulumque, quorum vasa minora fa-
cilis in oculos incurrunt, adhibui: Et primo statim intui-
tu curatori intra ventriculi dextri scatebras animadverti:
decurrere per superficiem gracilia quædam vascula, & ex
furculis minoribus in truncum abire, qui in scrobiculum
quendam aperitur. Harum orificiis, cum applicarem tubum,
flatus immissus promptissime omnes ramificationes disten-
dit, atque penitus circumiens, aliasque socias venulas pe-
netrans ex per plurimis foveis, bullulis factis, prorupit. Ut
inde dubitationi locus amplius non sit relictus.

§. 12. Hæc postmodum eadem curâ in corde bubulo, re-
cens exsecto, & adhuc calido indagavi; eo quidem succes-
su, ut venulas hujusmodi semper copiosius viderim, nec un-
quam frustra cor aperuerim.

§. 13. Idem reperi in utraque auricula, &, quod
mirère, in ventriculo cordis sinistro. Ibi enim si pariratione
tubum cavernulæ cuidam apponas, flatus per venulas copissis-
simas circumibit (vid. Fig. II. lit. A. A. A. a. a. a.) & ne putemus,
fieri ecchymosin à flatu fortius intruso, elevatamque membra-
nam vasa mentiri, attendi debet sanguinis motus in venu-
lis

lis illis, si cor recens sit, & flatûs progressio observetur, qui usque in venæ coronariæ ramos ampliores externos penetrat. t. vid. Fig. 11. lit. B.

§. 14. Ita vix unquam curiosus horum indagator frustra erit, si in cordis bubuli thalamo dextro circa radices trabis carneæ à septo ad oppositum parietem transversim protensæ foveolas perquirat, tubuloque caute applicato flatum immitrat. Tum enim statim venulæ, quæ in illas aperiuntur, flatu turgidæ redduntur, quæ circa hæc loca in superficie decurrere adeoque oculis nostris clare patere semper deprehensæ sunt. Vid. Fig. 1. lit. F. Necessum enim est, ut in thalamis æque ac auriculis foramina minora potius exentiamus, quam majora, utpote minus cum aliis communicantes; quæ alioqui fovearum mutua inosculatio facit, ut flatus per magis patulos exitus prodeat, minoribus venularum osculis prætermisiss. Accedit & illud, quod sulci ampliores & profundiores venulas quoque profundius ex substantia cordis corrivantes recipiant, quæ licet flatum admittant oculis tamen indagantis sese exhibere nequeunt.

§. 15. Eadem ratione res succedit, si ramum venæ coronariæ majorem, potissimum illum, qui exterius per ventriculæ sinistram decurrit, & maxime omnium vicinus est dextro, multosque ab hoc ventriculo & septi convexitate ramos recipit, flatu distendamus: sic namque cordis septo patente ex plurimis ejus foveis copiosus flatus prædibit, bullasque formabit in sanguine, ex venularum osculis flatu primum protruso, & intra foramina hæc hærente. Vid. Fig. 1. lit. E. E. E.

§. 16. Denique liquores colorati, gluten solutum, ipsaque cera, apta manu, ramis venarum majoribus immissa, venarum aperturas & in utraque auricula, & in ambobus cordis thalamis clare demonstrant. Ut non negandum sit, injectionibus violentioribus aliquando perrumpi vasa, qui tamen exitus

exitus liquoris immissi, vi factus, à genuino, à quolibet facile distingui potest.

§. 17. Hæc vero experimenta pari ratione in corde humano succedunt. Sic flatus, venæ coronariæ immissus, reliquis omnibus aditibus oclusis, promptissime per orificia illa in cor penetrat, illiusque ventriculos velicè in modum expandit: Ipsa autem vasorum horum orificia à priori, cum vasculis ipsis sanguine plenis, quem admodum in corde bubulo, hætenus in corde hominis inquirere nondum licuit.

§. 18. Quæ cum ita sint, abunde puto nobis cum veritate convenire, si asseramus, multas esse venas & inter se, & cum aliis venæ coronariæ ramis, ad canalem communem comitantibus, copiosis anostomosibus connexas, sanguinem in auricularum sinuumque cordis foveas deducentes. Id quod cum antehac viris in re anatomica exercitatissimis, tum Lipsiæ & Halæ & Jenæ, tum alibi in Germania exposuerim, jamque his in terris tot anatomiarum statoribus cum obtentio assensu demonstraverim, spero, fore: ut viri me longe sagaciores hanc rem penitus sint indagaturi, & si quid forte prætermisi aut aberravi, edocturi.

§. 19. Dum hæc conscribo, offertur epistola Cl. Vieussens ad Cel. Boudinum scripta, quæ titulum fert: Nouvelles découvertes sur le coeur, in qua Anatomicus excellentissimus multa protulit experimenta, quibus sententiam Cartesii confirmare laborat: secerni nempe aliquod fermentum per arterias coronarias in sinus cordis, à quo ejusdiastole sit derivanda. Huic simile quid asserit Broen Oper. Med. Theor. §. 51. alique. Sed videntur venulæ illæ modo descriptæ tam multis egregiis viris imposuisse, ut arteriæ coronariæ propagines, illas crediderint, & inde liquorem illud fermentans secerni asseruerint. Miror tamen, cum Cl. Vieussens l. c. dicat, liquorem arteriæ coronariæ immis-